

PLOANIES SAN MARTIN Y LUNGIARÜ

Le tru nü dla Crejima: Co vára pa inant cun la Crejima? Por cialé respotes vëgnel tigní döes sères d'informaziun cun le diretur tl ciamp dla catechesa dla Diozeja Markus Felderer por düc y dötes tla preparaziun ala Crejima tla Val Badia: jonëza, geniturs, families, tot/ totes, catechisc... l'ater lönesc, ai 20 de setëmbër, dales 20.00, a La Val te dlijia (y tl salf dles uniuns) - plü por la Val Badia alta y l'atra jöbia, ai 23 de setëmbër, dales 20.00, ince a La Val te dlijia (y tl salf) - plü por la Val Badia bassa. - Düc é bel invia da gni!

La Uniun di Èi Val Badia inviëia düc i èi y i jogn l'ater vëndres, ai 24 de setëmbër, dales 19.30 tla dlijia de Badia a tó pert ala prozesciun cun linternes o ciandëres da San Linert sö Oies, Tolésse do na linterna o na ciandëra.

PLOANIA SAN MARTIN

Incö domënia Mëssa dales 9.00 sö Paiun cun benedisciun dl auto nü di Stödafüch.

Dala prelita por le consëi de cöra é gnü dé jö 206 zetoles. Dër bel dilan a düc chi che á lité! I resultat dla prelita é tacá fora sön la tofla de informaziun dan dlijia. Dötes y düc chi che á cialé usc y ince düc i atri interessá dess se fá pinsiers sc'ai é a öna da sté sön lista por les lites che gnará tignides ai 24 d'otober. Toledé sö contat cun valgügn dl consëi de cöra.

En dedemesaledema, ai 15 de setëmbër, dales 17.00 inant vëgnel sié la cortina. Chi che á dlaurela é dër bel invia da gni a daidé. Da bur tēp la jöbia.

PLOANIA LUNGIARÜ

Incö, domënia ai 12 de setëmbër é la Gran Mëssa bele dales 8.00, zënza corona denant. - Domisdé tēgn la ploania da Lungiarü la prozesciun ex voto sö la Crusc. I piun ia en prozesciun dala staziun a munt dl pröm lift dla Crusc dales 14.00. Canch'i rovun sö sarál na funziun tl santuar dla Crusc. I piarun indö jö dales 16.15. - La Uniun di Seniors inviëia ince dër bel sü mēmbri da tó pert.

Dër bel dilan a chi che á intratant paié ite le contribut dla cöra. Chi che ne l'ess nia ciamó paié ite, pó paié i 20 euro por porsona, tuc fora i scolars y studēnc, diretamēnter pro la Cassa Raiffeisen da San Martin, sön le cunt intesté a: Parrocchia Longiarü: Iban: IT 63K 08010 58830 000304004931

L'istitut Ladin presentëia le liber "La picia iarina dal bun cör" de Giulia Moling, en vëndres ai 17 de setëmbër dales 15.00 sö paiun a San Martin. Da bur tēp vëgn la manifestaziun fata tl Istitut Ladin. Por tó pert ól ester le green pass.

Erbes de Börz dai 11 ai 19 de setëmbër cun jites acompagnades y derzades por fá conēsce les erbes da munt, ciüfs y lēgns dla contrada. Al vëgn pité 4 ativités, sciöch'ince ciarcé les erbes y d'atres scincundes dla natöra ti taís pitá te 11 üties y restoranc a Antermëia/Börz y inciëria. Les iscriziuns por les ativites vëgn tutes sö cina le dé denant, tla Cooperativa turistica Al Plan-S. Martin 0474 501 037



www.valbadiaonline.it/comunite

Plata dles Ploanies San Martin y Lungiarü

ploan Klaus Sottas 344 15 54 055 - klsottas@rolmail.net
siur curat Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194



12.09. - 19.09.21 nr. 42

ultimo termo por comunicaziuns: jöbia, dales 20.00

24^a DOMËNIA IA POR L'ANN B

Vangele do Merch 8,27-35

Dailó á Gejú damané sü discepui: Os indere, chë dijëise pa os che iö sun? Scimun Pire ti à respognü: Tö es le Messia! Mo ël ti à proibì de baié cun zacai porsura ël. Spo àl metü man da i istrui che le Fi dl Om mëssarà patì tröp y gnarà refodè dai plü vedli, dai gragn proi y dai studià dla lege; al gnarà copè, mo do da trëi dis ressoriaral. Y al baià davert daldöt de chësc. Dailò l'á Pire tut da na pert y à metü man da le bruntorè. Gejú s'á ôt y ti à ciarè ados a sü discepui y à amonì Pire cun les parores: Vátun demez da mè, sàtan!

Deache tö ne n'as nia imënt ci che Dî ô, mo ci che la jënt ô. Al à cherdè adalerch la meja de jënt y i discepui y à dit: Chël che ô me gnì do, chël s'un desdijes de sè instës toles süa crusc sön ël y me vëgnes do.



Tla traduziun nöia dl vangele da incö ne stál nia plü „Vátun demez da me, sàtan“, mo „Vá ia do me, sàtan“, deache tö ne n'as nia imënt ci che Dî ô

Ciodí reagësc pa Gejú te na maniera tan dōra defrunt a Pire?

Ciodiche Pire ne tēgn nia cunt dla presënza y dl operé de Dî tla vita dan da d'ël.

Chël, che tēgn cunt de Chël Bel Dî, vëiga le dagní de süa vita atramēnter

- y nia ma la vita, mo ince ci che gnará dedö.

Por chi, che tēgn cunt de Chël Bel Dî,

él ci ch'ai mina da davagné y da perde te chësc monn che ciafa n ater valor.

Sigurté, sanité y bëgnsté sön chësc monn pó avëi dorada cōrta y se desfanté,

deperpo che a chi, che tol süa crusc sön ëi y vá tles pedies de Gejú,

ti é la vita impormetüda.

EDEMA	SAN MARTIN	LUNGIARÜ	 Oraziun por la lîta dl consëi de cōra Dî dla vita, a vignun/ōna de nos ti aste dé facultés desvalies da cooperé y svilupé. I te dijun dilan. Sciöche batiá y confermá sunse cherdá da vire nosta fede tla situaziun ch’i sun. Déuresse al operé dl Spirit Sant ch’i surantolunse cun ligrëza, creativité, coraje y entusiasmm nüsc compic te nosta ploania y tl monn. Renfórzesse tla fede che tö es chiló, che te vëgnes cun nos y che t’es chël che ti dá direziun y dagní a nosta ploania. Dëidesse da s’ascuté sö un cun l’ater, da crësce y da jí por nosc tru tla fede. Fá che noster incuntades y noster confertes portes früc. Scínchesse paziënza y dorada te chisc tēmps plëgns de mudaziuns che les cosses metüdes man pois madurí. Benedësc nosc laur te tûa comunité cristiana y operëia tö te nos. Dëidesse da conësce i sëgns di tēmps, da dé testimonianza de to amur y da mantigní vi to inom danter la jënt.
12.09.21 24^a DOMËNIA - ann B <i>Inom de Maria</i>	9.00 Gran Mëssa söl paiun - da bur tēmp te dljia - cun benedisciun dl auto nü di Stödafüch che vëgn presenté danfora en onú dl Spirit Sant y de Santa Maria de rengraziamënt dl ann de scora passé y de suplica che l’ann nü vais bun + Irma Sotsass	8.00 Gran Mëssa por la comunité cun benedisciun dl tēmp 14.00 Prozesciun ex voto sö La Crusc dala staziun a munt dl pröm lift demez	
13.09.21 Lönesc <i>Jan Crisostomus, Notburga</i>			
14.09.21 Dedolönesc <i>Alzada dla Cursc</i>	19.00 Mëssa de rengraz. fam. Lorenz Planatscher + Heinrich Erlacher, Cheder 7.30 Prozesciun da S.Linert sö La Crusc 9.30 Mëssa sö La Crusc y ores d’adoraziun	7.30 Prozesciun da S.Linert sö La Crusc 9.30 Mëssa sö La Crusc y ores d’ador.	
15.09.21 Dedemesaledema <i>Maria Adolorada, Dolores</i>		7.30 Mëssa + + + Carlo, Pio y Pire Mischi	
16.09.21 Jöbia <i>Cornel y Ziprian</i>	7.30 Mëssa + Amalia Zingerle Clement Corona por Vocaziuns		
17.09.21 Vëndres <i>Hildegard da Bingen, Robert</i>	18.30 Adoraziun chîta 19.00 Adoraziun deboriada	7.30 Mëssa + Eusebio y Angela Nagler por les püres Animes	
18.09.21 Sabeda <i>Richard, Ariana</i>	20.00 Mëssa prefestia por i nüc Lydia Flöss y Klaus Gruber y families fam. Paul y Maria Sorà + Pepi Obwegs	13.00 Noza de Serafin y Miriam Clara 18.30 Mëssa prefestia por les families de Iaco Castlunger dl ann + Franz Costa, Ustí Vedl	
19.09.21 25^a DOMËNIA - ann B	9.00 Corona 9.30 Gran Mëssa por la comunité cun benedisciun dl tēmp por families de Teresa Pedevilla Flöss + Giovanni Flöss + + Siegfried y Maria Zingerle, Col + Clara Flöss Alfreider	7.55 Corona 8.15 Gran Mëssa por la comunité cun benedisciun dl tēmp 15.00 Corona tla capela de S. Ojöp Fr.	